

四庫全書

經部

欽定四庫全書

經部

詩識名解

目錄  
卷二

詳校官監察御史

臣莫瞻菴

刑部郎中

臣

許兆椿覆勘

覆校官檢討

臣

李學錦

校對官中書

臣

邱桂山

謄錄監生

臣

趙位堂

欽定四庫全書

經部三

詩識名解目錄

詩類

卷一

鳥部

睢鳩

鷓鴣

鷓鴣

鷹

隼

晨風

雉 關關

維鳩居之

于嗟鳩兮

鷓鴣在桑

翩翩

宛彼鳴鵒

時維鷹揚

采芑飛隼

黃鳥

黃鳥于飛

睨睨黃鳥

交交黃鳥

縣蠻黃鳥

鵲

維鵲有巢

鵲之

雀

誰謂雀  
無角

燕燕

玄鳥

燕燕于飛  
天命玄鳥

雉

翟

附

翬

鵠

雄雉于飛  
右手秉翟

有鷩雉鳴  
翟第以朝

朝

雄離于羅

有集維鷩

雉之

雁

鴻

離離鳴雁  
鴻則離之

弋鳬與雁  
鴻飛遵渚

肅肅其羽

烏

鵲斯

莫黑匪烏  
雌雄

弁彼鵲斯  
瞻烏爰止

誰知烏之

卷二

鳥部

鶉

鶉之奔奔  
有縣鶉兮

胡瞻爾庭  
匪鶉匪鸛



聲噦噦

八鸞鸞

鶴

執其鸞刀

倉庚

飛有鳴倉庚倉庚于  
倉庚啾啾

鵙

七月  
鳴鵙

卷三

鳥部

鴝鵒

鴝鵒鴝鵒

鸛

鸛鳴  
于垤

脊令

脊令在原  
題彼脊令

鶴

鶴鳴于  
九臯

桑扈

小宛桑扈  
桑扈鷺羽

鴛鴦

鴛鴦畢羅  
白華戢翼

鴛

有鴛  
在梁

鷺

鷺鷥  
在沙

鳳皇

鳳皇于飛  
雖離皆皆

皋

附  
流離為皋為鷗  
流離之子

鷗

鷗為皋為鷗  
匪鷗為飛戾天  
匪鷗

桃蟲

肇允彼  
桃蟲

卷四

獸部

馬 駒 駉 黃 鵠 驪

白顛 鐵 騏 驎 駟 騶

皇 駁 駱 駟 驪 驕

騅 駟 騂 驪 雉 駁

驪 魚 駟 我馬虺隤 言秣其駒 乘我  
乘駒 我馬維駒 皎皎白駒

壯有驕 老馬反為駒 駉牝三千 良馬四之 四  
乘有驕 乘乘黃 四黃既駕 駒有黃 乘

乘鵠 四驪 濟濟 比物四驪 有馬白顛  
駟鐵孔阜 駕我騏驎 乘其四騏 駒有騏



駢駢是中 駢驪是驂 皇駢其馬 嗶嗶  
駢馬 我馬維駢 駢有駢 駢伯既騫 四

牡項領 乘馬在廐 駢驂彭彭 駢有驂  
駢有驂 駢有駢 駢有駢 駢有驂 駢有

駢駢 駢有驂 駢有駢 駢有駢 駢有駢  
駢駢 駢有駢 駢有駢 駢有駢 駢有駢

野駢 駢有駢 駢有駢 駢有駢 駢有駢  
駢駢 駢有駢 駢有駢 駢有駢 駢有駢

兕 我姑酌彼兕觥 稱彼兕觥 桑扈兕觥 絲  
衣兕觥 殪此大兕 匪兕匪虎 相彼投兔 躍躍

兔 肅肅兔置 有兔爰爰 相彼投兔 躍躍  
兔 有兔斯首 有兔斯首 有兔斯首 有兔斯首

麇 附 駢虞 麇之趾 于  
駢虞 駢虞 駢虞 駢虞 駢虞

鼠 誰謂鼠無牙 相鼠有皮 碩鼠碩鼠 穹室  
熏鼠 熏鼠 熏鼠 熏鼠 熏鼠

羔羊

羴

羴

羴

附達

羴

羔羊之皮

裘三英

羔裘如膏

羊牛下來

既有肥羴

三百維羴

其角漑漑

矜兢騫崩

俾出

童羴

羴羊墳首

先生如

達

取羴以輶

麇

附

麇

野有死麇  
麇鹿麇麇

鹿

野有死鹿  
維足伎伎

町疃鹿場  
麇鹿攸伏

呦呦鹿鳴  
甦甦其鹿

虎

貓

有力如虎  
不敢暴虎

禮褐暴虎  
有貓有虎

文茵暢轂  
闕如虢虎

狐

莫赤匪狐  
孤裘蒙戎

有狐綏綏  
錦衣狐裘

雄狐綏綏  
孤裘以朝

有芄者  
狐

裘黃

黃

象

象之掃也 佩其  
象弭 魚服

牛

牯

犧

羊牛下來 九十其牯  
濕濕 從以駢牡 與我犧羊

牯

以其駢黑 我車我牛 駢牡既備 殺時  
享以駢犧 夏而福衡 白牡駢剛

將

犧尊

卷六

獸部

豹

羔裘豹飾 豹祛  
豹裘 赤豹黃羆

狼

並驅從兩狼兮  
狼跋其胡

貉

貍

一之日子貉 胡  
瞻爾庭有縣貍兮

狸

取彼狐狸

魚

象弭魚服  
簞笊魚服

熊

維熊維羆  
是表熊有熊有羆

羆

維熊維羆  
亦豹黃羆

犬

廐

盧

獫

馱

馱驕  
遇犬獲之  
無使廐也吠

盧令  
載獫馱驕

豺

投畀豺虎

猱

母教猱  
升木

豕

豨

豮

特

附

豨有豕白蹄

豨發一

小豨

一發豨

言私其豨

胡瞻爾庭有

豨特兮

豨豨于公

並驅從兩肩兮

豨

豨其

豨皮

卷七

草部

苢

苢參差

苢菜

葛

葛之覃兮

旄丘之葛兮

葛生蒙楚

彼采

葛兮

葛屨五兩

糾糾葛屨

大東葛屨

藟

藟藟累之

絺絺

莫莫葛藟

卷耳

采采

卷耳

茱萸

采采  
茱萸

萸

言刈  
其萸

蕨

言采  
其蕨

薇

言采其薇  
薇亦  
作止  
山有薇薇

蘋

于以  
采蘋

藻

于以采藻  
魚在  
藻  
薄采其藻

葭

彼茁者葭  
一葦杭之

葦

葭莢揭揭  
八月萑葦

蒹葭蒼蒼  
敦彼行葦

卷八

草部

蓬

附

護草

彼茁者蓬 首如  
飛蓬 馬得護草

葑

采葑采菲  
采葑采菲 采葑采菲

菲

采菲采菲

荼

誰謂荼苦 采苦采苦  
寧為荼毒 以薺荼蓼

薺

其甘如薺

苓

隰有苓 采苓采苓

茨

牆有茨 楚楚者茨  
福祿如茨 如

唐

女蘿

爰采唐矣 萬與女蘿

麥

來牟

爰采麥矣

芄芄其麥

麻麥懞懞

丘中有麥  
貽我來

牟

蟲

言采  
其蟲

綠

綠竹猗猗  
終朝采綠

卷九

草部

竹

竹竿

筍

綠竹猗猗  
如竹苞矣

籊籊竹竿  
維筍及蒲

莢

桂

葭莢揭揭  
八月桂華

毳衣如莢  
桂華淠淠

芄蘭

芄蘭  
之支



黍

秬

附

秠

彼黍離離

無食我黍

下泉

黍稷或或

召伯黍苗

具饌

我黍與與

伊黍

維秬

秬也一亩

維秠

稷

附

重穋

附

植穉

彼稷之苗

黍稷翼翼

植穉

麥

蒲

莞

不流束蒲 有蒲與荷 依于其蒲 維荀及蒲 下莞上簟

推

中谷有推

蕭

彼采蕭兮 浸彼苞蕭 蓼彼蕭斯 采蕭穫菽 取蕭祭脂

艾

彼采艾兮

卷十 草部

麻

紵

苴

丘中有麻 藝麻如之何 不  
績具麻 可以漚麻 麻衣如

雪 載績玄黃 禾麻菽麥 可  
以漚紵 九月叔苴 附聚衣

舜

顏如  
舜華

荷

菡萏

隰有荷華 有蒲  
與荷 有蒲菡萏

茹蘆

茹蘆在阪  
編衣茹蘆

藺

方秉藺兮  
有蒲與藺

勺藥

贈之以  
勺藥

莠 維莠驕驕  
莠言自口

莫 言采  
其莫

蕢 言采  
其蕢

稻 稌 不能藝稻梁 十月穫稻 有  
稻有秬 豐年多黍多稌

粱 縻 芭 不能藝稻梁 亘之縻芭  
薄言采芭 豐水有芭

藪 藪蔓  
于野

蒹 蒹葭  
蒼蒼

收 視爾  
如收

龍

隰有游龍

卷十一

草部

苔

卽有旨苔苔之華

萇楚

隰有萇楚

稂

浸彼苞稂不稂不莠

蓍

浸彼苞蓍

萋

四月秀萋

萸

六月食萸及萸

葵 芹

茆 烹葵及菽 言采其芹  
薄采其芹 薄采其茆

菽 藿

荏菽 烹葵及菽 中原有菽 食  
我場藿 采蕭獲菽 采菽

采菽 荏  
菽 蒺 蒺

瓜 瓠

匏

瓠

壺

七月食瓜 有  
敦瓜苦 疆場

有瓜 縣縣瓜瓠 瓜瓠 嗥 匏 有苦葉  
酌之用匏 齒如瓠 犀 甘瓠 累之 幡幡瓠

葉 八  
月斷壺

卷十二 草部

茅 白茅 蕘

茶

晝爾于茅 白茅包之  
白茅束兮 露彼菅

茅 自牧歸荑 手如柔荑 有  
女如茶 予手捋茶

韭 獻羔  
祭韭

果 羸 果羸  
之實

草 食野  
之草

蒿 蔚 繁 食野之蒿 匪莪伊蒿 匪莪  
伊蔚 于以采繁 采繁祁祁

芩 食野  
之芩

臺 南山有臺  
臺玆緇撮

菜 北山  
有菜

莪 菁菁者莪  
蓼蓼者莪

遂 言采  
其遂

葛 言采  
其葛

藍 終朝  
采藍

白華 菅  
白華菅兮  
可以漚菅

董 董茶  
如飴

蓼 以蓼茶蓼  
又集于蓼

卷十三 木部

桃

桃之天天  
以木桃

園有桃  
投我

楚

言刈其楚  
綢繆束楚

王風東楚  
葛生蒙楚

鄭風東楚  
止于楚

甘棠

杜

蔽芾甘棠  
杜道左

杜葉滑  
杜杜睨實

梅

標有梅  
有梅

其子有梅  
有條有梅

墓門  
侯梅

樸

樸有  
樸有

唐棣

唐棣  
之華

李

鬱

華如桃李  
李北山有李

投我以木李  
丘中有  
六月食鬱及蓂

柏

柏舟汎流  
松柏

新甫之柏  
柏舟中河

施于  
松柏丸丸



棘

吹彼棘心 園有棘 黃鳥止棘 墓門有棘 其子在棘 在彼杞棘 青蠅止棘

榛

山有榛 樹之榛栗 其子在榛 止于榛 榛楷濟濟

栗

樹之榛栗 東門之栗 唐風隰栗 秦風隰栗 烝在栗薪 侯栗其灌

其

卷十四

木部

椅

梓

椅桐梓漆 其桐其椅 維桑與梓 北山有桵

桐

梧桐

椅桐梓漆 其桐其椅 梧桐生矣

漆

椅桐梓漆 有漆 阪有漆 山

桑

甚

槩

柘

降觀于桑 桑之未落  
無食桑甚 無折我

樹桑

言采其桑

桑者閑閑兮

集于苞桑

阪有桑

止于桑

鳴鳩在桑

爰求柔桑

蠶月條桑

猗彼女桑

徹彼桑土

烝在

桑野

南山有桑

無集于桑

維桑與梓

隰桑有阿

樵彼桑薪

苑彼

桑柔

食我桑黽

其槩其柘

檜

檜楫  
松舟

松

檜楫松舟

山有橋松

如松茂矣

施于松

挺  
桷有

木瓜

投我以  
木瓜

檀

無折我樹檀  
車蟬蟬  
爰有樹檀  
次次伐檀兮  
檀車煌煌

扶蘇

山有扶蘇

柳

杞

楊

檉

折柳樊圃  
有苑者柳  
苑彼柳斯  
無折我樹

杞  
有楊  
菁我楊舟  
東門之楊  
楊柳依依  
北山  
其檉其柅

卷十五

朱部

榆

樞

粉

附  
獲  
隰有榆  
門之粉  
山有樞  
無浸獲薪  
東

栲

山有栲  
山有栲  
南

杻

隰有杻  
山有杻  
北

椒

握椒 椒聊之實 有椒其馨

貽我

栩

櫟

柞

集于苞栩 宛丘之栩 無集于栩 山有苞櫟 析其柞薪

維柞之枝 瑟彼柞棫

柞棫拔矣 柞棫斯拔

條

有條 有梅

六

駁

山有六駁

榘

隰有樹榘

棗

八月 剝棗

樗

采荼薪樗 蔽芾其樗

杞

集于苞杞  
在彼杞棘

言采其杞  
隰有杞棣

南山有杞  
言采其杞

常棣

常棣之華  
苞棣

維常之華  
山有

枸

南山  
有枸

穀

其下維穀  
無集于穀

棣

隰有  
杞棣

薦

薦與  
女蘿

械

柞械拔矣  
瑟彼柞械

芄芄械櫜  
柞械斯拔

楷

棣楷  
濟濟

梔

附翳

其梔其梔  
其梔其翳

樅

虞業  
惟樅

臣

等謹案詩識名解十五卷

國朝姚炳撰炳字彥暉錢塘人自多識之訓傳  
自孔門爾雅一經訓詁名物畧備厥後諸儒  
纂述日久多佚惟陸璣之疏尚有裒輯重編  
之本自宋蔡卞以來皆因璣書而輾轉增損  
者也此書亦以鳥獸草木分列四門故以識

名為名其稍異諸家者兼以推尋文義頗及  
作詩之意爾然孔子言鳥獸草木本括舉大  
凡譬如史備四時不妨以春秋互見炳乃因  
此一語遂不載蟲魚未免近高叟之固其中  
考證辨駁往往失之蔓衍如辨麟麇二物義  
本說文尚有關於訓詁至於鳳凰神物世所  
罕睹而連篇累牘辨其形狀之異同則與經  
義無關矣至於詩中八鸞之類本為鈴屬非

鸞鳥之鸞而列之鳥部然則車之伏兔將入  
獸部乎是皆愛奇嗜博故有此弊然核其大  
致可取者多固當畧其蕪雜採其精英焉乾  
隆四十二年八月恭校上

總纂官

臣紀昀臣陸錫熊臣孫士毅

總校官

臣陸費墀



欽定四庫全書

詩識名解卷一

錢塘 姚炳 撰

鳥部

鳩

睢鳩

周南關雎篇

釋鳥首列鳩族王睢其一鳩眼未化識者

憎之其為猛摯明矣郭璞以為雕類江東呼為鸚陸璣謂大小如鷓幽州人謂之鷺蓋其屬也其他白鷺之說

見禽經蒼鷄之說見風土記鳧類之說見通志鶻鳩之說見詩詁更相擬議要鮮確據至謂鳴戛和順游於水而息於洲常隻不雙又謂至秋化鷹之時能搏擊他禽所謂鷺常居幽澗人亦罕見所謂在河洲皆緣詩釋物吾無取爾矣

集傳狀類鳧鷖蓋云詢之淮人然祇狀類而已鄭漁仲直以為鳧屬且云多在水邊尾有一點白故揚雄謂之白鷺反以舊說雕類為誤則真誤也

摯與驚通曲禮前有摯獸則載貔貅是也說文又至也  
商書大命不摯言受大命者何不來至亦無深至之義  
鄭氏乃謂王睢之鳥情意至然而有別遂使後儒附會  
謂猛摯之物不足比后妃之淑善於是杜鵑鳬屬紛紜  
擬議則鄭氏實開之端矣

羅瑞良引思玄賦睢鳩相和歸田賦交頸頡頏之語以  
為明是乘居匹遊鳥在論其有別且后妃之意方樂得  
淑女與其君子相與如睢之相為顧豈暇言其別此解

最得猶未暢厥旨也余世父通論云睢鳩有此和聲在  
於河洲游泳並樂其匹偶不亂之意自可於言外想見  
傳謂摯而有別夫曰摯猶是食魚有搏擊之象此但釋  
鳩之性習不必於正意有關會也若云有別則傳會矣  
孟子夫婦有別此二字所從出豈必以夫婦字加於睢  
鳩上哉詩人體物縱精安能擇一物之有別者以比夫  
婦烈女傳因云人未嘗見其乘居而匹處夫謂之有別  
乃不亂羣之謂耳非異處也今云未嘗見其乘居匹處

則非所以比夫婦亦大乖闕闕之旨矣

闕闕和聲本釋詁文何元子謂通作絲引說文云織絹以絲貫杼也蓋象衆鳥飛翔往來之狀如穿梭形則易字求解矣

嚴華谷以郊子五鳩備見詩中分配鑿鑿然雲鳥紀官事屬荒渺難可據信且以類考之亦頗舛錯未足為典要也但釋鳥以雕冠鳩餘四者又各有鳩名則亦從鳩類備列於後以俟考者

召南鵲巢篇

傳以此鳩為鵲鳩歐陽正義辨以為拙鳩謂惟

今人直呼鳩者不能為巢如舊所傳架枝墮穀破卵逐  
雌之事王雪山駁之云詩人偶見鵲有空巢而鳩來居  
而後人必以為常是譚詩之病也此翻案語已為古今  
說詩者下一針砭余世父又不謂然通論云王說名為  
擺脫實成固滯按詩言鵲鳩者以鳥之異類况人之異  
族也其言巢言居者以鳩之居鵲巢况女之居男室也  
詩義止此不穿鑿不刻畫方可說詩一切紛紜盡可掃

却矣讀之不覺渙然

衛風  
氓篇

傳以此鳩為鵲鳩按釋鳥云鵲鳩鵲鳩郭璞以為

似山鵲而小短尾青黑色多聲是也至孫炎謂一名鳴  
鳩舍人謂即今斑鳩陸璣亦謂鵲鳩一名斑鳩似鵲鳩  
而大項有繡文斑然三說皆非陸農師云鵲鳩似山鵲  
而小釋鳥驚山鵲故此一名驚鳩與郭說合

正義云爾雅鳩類非一知此是鵲鳩者以鵲鳩冬始去  
今秋見之以為喻故知非餘鳩也愚謂沃若黃隕自是

顏色盛衰之況不必拘上章秋期為仲秋季秋也况貿  
絲是孟夏時事桑甚又是孟夏時物俱非秋時所見明  
矣故謂此鳩為鶻鳩則可謂因秋見而知為鶻鳩則不  
可鄭氏以為戒鳩非時而食甚者并滯語也

甚味最甘鳩喜食則不厭猶私情易溺士女耽樂則不  
自禁惟其如是以為戒耳傳謂鳩食甚過則醉而傷  
其性夫詩第言無食而已未嘗言無過食也因過食以  
至醉因醉以至傷性皆是添足



鴈鳩

曹風鴈  
鳩篇

嚴華谷云舊說鴈鳩凡十一名惟李氏別

以為今之鴈鴿愚按鴈鴿似鴈而有憤亦謂之咧咧其  
非鴈鳩明矣所謂十一名者鴈鳩也鴈鴿也秸鞠也布  
穀也獲穀也擊穀也戴勝也桑鳩也題肩也擊正也搏  
黍也若博考之方言梁楚之間謂之結誥羅瑞良謂又  
呼撥穀又呼郭公又呼鷓鴣則一物而十五名矣然鴈  
鳩自即布穀所謂鴈鴿秸鞠獲穀擊穀結誥撥穀郭公  
有音同而字異者亦有字異而義同者固是一物無疑

搏黍與黃鳥名同或亦布穀之義至以為題肩擊正謂  
即鷹化之布穀釋鳥謂之茅鷯者則大謬矣不知彼乃  
未化布穀之雀鷹所謂隼耳眼雖可憎尚欲從其舊而  
名之耶

斑鳩禽經作班鳩註云班次序也凡哺子朝從上下暮  
從下上故謂之班非項有斑文之謂此蓋因傳養子均  
平之說起義未可據

鷦小雅四  
壯篇

鷽名紛如釋鳥謂之夫不郭璞以為今鷽鷽



鄭漁仲以為其者指之之詞鳥之短尾者皆謂之佳惟夫不專名焉故指佳為夫不此亦曲解通爾雅中無此行文之法當為衍文闕之若嚴華谷竟以佳其二字為名更無義矣

騅改作隹隹贅作駢並屬杜謔字書已辨之其害使人以隹同隹以騅同隹張冠李戴名物混淆則皆子雲輩好作奇字之遺孽也

廣雅釋佳為鶉按佳者短尾禽總名鶉頭細無尾亦是

佳類但謂鶉為佳則可以佳屬鶉則不可說文佳註云  
雛又從佳一或曰鶉字此誤佳為鶉之本矣

小雅小宛篇

傳以鳴鳩為鶉鵲非陸璣云鶉鳩一名斑鳩陸

農師駁之謂鶉鳩短尾青黑色多聲故名鳴鳩斑鳩與  
此全異璣之言非愚謂璣以斑鳩釋鳴鳩本不誤但不  
當以鶉鳩為斑鳩耳鳴鳩自是鶉鳩即月令所稱拂羽  
者許叔重謂鳴鳩奮迅其羽直刺上飛數十丈入雲中  
此翰飛戾天之證蓋鶉鳩鷹所變化鼓翅摩天固其能

事若鵲鳩小物決起而飛捨榆枋時則不至控於地而  
已矣何以戾天為

傳因鵲鳩起義故謂刺幽王行小人之道責高明之功  
終不可得要是強解愚疑下有念先人懷二人教誨式  
穀無忝所生諸語當是亂離思親之詞與鵲鳩亦有關  
合鵲鳩性壹而慈有哺子之恩故即以起興耳

詩中宛字未嘗專作小訓若宛在水中央宛其死矣之  
宛不可以小通也如云戾天之鳩奮迅入雲遠不可即

望之宛然如可見者較當且詩篇舊名小宛若宛并以  
小訓之則是篇義作小小矣何元子引考工記窓訓孔  
小為解亦強證

鷹

大雅大  
明篇

釋鳥以鷹為鵯鵯郭璞謂鵯為鵯字之誤杜

預左傳註云鵯鵯鷹鵯鳥是也又禮月令鷹化為鵯王  
制鵯化為鷹蓋一物而相變化者故爾雅通以鵯名之  
今依其義類辨於此夏小正亦云鷹者其殺之時也鵯  
者非其殺之時也

隼

小雅采芑篇

鷹隼醜見釋鳥文隼當為鷁鷁即鷹之小者

故茲從鷹并見鳩類陸璣云齊人謂之擊征或謂之題肩或謂之雀鷹春化為布穀者此屬數種皆為隼是矣  
韋昭以隼為鷁李善言鷁擊之鳥通呼為隼顏師古謂  
即今所呼鷁一曰鷁子許叔重解淮南子又以為鷁鷁  
即今鷁鷁皆未得其實也

舊有合引月令列子淮南子艸木疏諸文謂鷹隼鷁鷁  
鳩鷁布穀晨風諸鳥總順節令以變形故爾雅曰屬曰



醜是也但淮南鵠字當是鷁字之訛世無鵠化鷁之理  
况末云復為鷁必本上鷁來可證

戾天爰止專為下試字取興隼有戾天之勇而翔止合  
其宜軍有三千之衆而練習得其法二語自遞合鄭氏  
舊分兩義失其旨矣

小雅沔  
水篇

此飛止對上朝宗當從未亂時說若謂喻諸侯

驕恣欲朝不朝自由無所懼心便與二章飛揚意複且  
沔水上何以言歸海下何以言湯湯耶

何元子引說文訓率中陵之率為捕鳥畢對下懲字作解愚謂率字之義非必因鳥網而制且其用不過為掩取之具恐戾天之隼未必入其機中耳

晨風

秦風晨風篇

晨風鷗釋鳥文郭璞以為鷗屬陸璣以為

似鷗青黃色燕含鈎喙禽經瞭曰鷗鷗曰鷗蓋一以目名一以翼名也列子鷗之為鷗鷗之為布穀布穀久復為鷗則其先後變化之序如此者大抵鷹類始生為鷗鷗羽翼長成能嚮風搖翅為鷗月令鷹化為鳩所謂鷗

之為布穀也鳩化為鷹所謂布穀久復為鷦也

或謂願因晨風發送子以賤軀亦謂風也非晨風為鷦也按李陵詩屏營衢路側執手埜踟躕長當從此別且復立斯須俱是長途把別不能遠隨之語鷦飛急疾故

云願因晨風之發

發如宋玉言鷦魚朝發之發

託賤軀以長隨耳且

其屬多出遼海上李陵在匈奴送別之作固是即其所見云然不得謂晨風為朝風也舊引古詩證之云晨風懷苦心蟋蟀傷局促又亮無晨風翼焉能凌風飛又願

為晨風鳥雙飛翔北林若非指鷦何以言鳥言翼何以晨風與蟋蟀並稱若晨風為朝風合古詩二句觀之似言風凌風文義難通矣此最鬯論

六書故訓駁為風之迅謂通作颺風迅林木披靡故言鬱彼北林若晨風為鷽當言集彼北林不得言鬱自爾雅誤認駁為鳥飛因以晨風為鷽俗遂制鷽字此強駁也按駁字詩中凡兩見一為晨風一為隼大抵鷹隼之飛急疾故謂之駁耳若以駁為風迅豈飛隼亦風名耶

且制字從鳥其為鳥飛明甚不可以風之颺通也

晨風北林各自為義以晨風迅飛喻賢臣之歸往以北  
林茂盛喻秦國之多才如下章苞櫟六駁亦自分山隰  
對言也傳疏皆以二義穿合故於鬱字難通適滋後人  
擬議耳

晨風但取迅飛為歸往之意未嘗以其義為賢臣比也  
陸農師憑空誤出義字又從義生仁厚譽黃鳥為配更  
從三良之死造出賢臣之生轉輾支離不可紀極矣

黃鳥

黃鳥

周南葛覃篇

黃鳥有搏黍離畱栗畱黃鸝黃鸝諸名愚

謂栗離聲之轉也離鸝字之訛也黃鸝取其聲也黃鳥從其色也搏黍因其時也若倉庚商庚鶯黃楚雀恐別一族否則爾雅不應複列如馬陵車前車前菜官諸條皆連類相釋此何不類舉而釋以黃鳥耶其謂黃鳥即倉庚者以釋鳥文又有倉庚顰黃之語訛顰作鶯遂以倉庚為鶯黃因以鶯黃為黃鳥一誤再誤不可復辨識

者審之

喈喈說文訓聲衆且和其義止此通論云毛傳加遠聞  
意以后妃處深宮而聞之然安見深宮鄰於產葛之地  
耶拈出一笑

邶風凱風篇

傳釋睨睨為好貌舊皆主容貌言惟集傳以為

鳥聲按六書故云睨目圜轉也此集傳圓轉二字所從  
出但易視為鳴加清和二字未知何據耳何元子謂睨  
以視言睨以目言乃注視凝眸之貌則從人之視鳥為

說猶云瞻彼相彼也。杙杜有睨其實大東。睨彼牽牛。皆可作如此解。

秦風黃鳥篇

按交義共也。合也。互也。友也。又交加參錯也。今

重文曰。交交自是往來如織之狀。傳訓小於義無取。

小雅伐木篇

嚶嚶不當專指黃鳥之聲。按釋訓文。丁丁嚶嚶

相切直也。鄭氏以為兩鳥聲。要是鳥鳴通稱。羽獵賦亦稱鴻鴈嚶嚶是矣。羅瑞良引禽經。鴛鳴嚶嚶。謂詩即指此。又苦無出谷遷喬之驗。泥甚。



小雅黃鳥篇 通論云此黃鳥黃雀也非黃鶯鶯不啄粟

呼黃鳥與呼碩鼠同一寓言不必實指此物嚴華谷以  
為民適異國無可告語惟黃鳥飛鳴往來於此故於將  
去告別之引杜詩埜花送客檣燕畱人之句謂送畱惟  
花燕亦此詩告別黃鳥之意恐未然

小雅緜蠻篇

傳釋緜蠻為小鳥貌於義不可解集傳以為鳥

聲何元子分釋之謂其聲之微細不絕如緜而鳥語不  
可與人解又似蠻也然鴛聲圓滑可人故有雙柑斗酒

之聽若南蠻駛舌何足入高人之耳而以是為好音誣  
所謂愈解則愈鑿不可通矣

韓詩章句云絲蠻文貌亦未似又許由箕山歌甘瓜施  
兮葉絲蠻則為葉盛之詞合之黃鳥究未有當也

鵲

鵲名南鵲  
巢篇

鵲大如雅而長尾尖觜黑爪綠背白腹尾翮

黑白駁雜舊呼烏鵲實不與烏類羅瑞良以為烏之屬  
故周禮總謂之烏鳥非也其名亦不一以性惡濕曰乾

鵲以知人喜曰靈鵲以色駁雜曰飛駁或稱神女或稱  
芻尼雜見禽經釋藏諸書

月令鵲始巢乃巢成而居之候鄭氏必謂冬至架之至  
春乃成正義因以始巢為季冬未成之驗恐未然也

邶風鵲之  
奔奔篇

韓詩以彊彊為乘匹之貌鄭氏謂居有常匹

飛則相隨之貌大都對宣姜與頑言也然其義但可意  
會不可泥字求解陸農師直以剛釋彊補傳云鵲能不  
淫其匹故以剛言今試以彊彊易作剛剛便難通矣

禮表記引詩作姜姜舊註云爭鬪惡貌愚按彊有二音亦分二義釋詁云彊當也註謂好與物相當值也釋言云彊暴也註謂彊梁凌暴也則當義讀若姜暴義讀若彊此作姜姜則義取當不取暴明矣故有溺舊解以為刺暴非刺淫者非也且左氏有明徵矣襄二十七年伯有賦鶉之賁賁趙孟曰牀第之言不踰閭況在埜乎

陳風防有鵲巢篇

防傳訓邑集傳以為人所築以捍水者按防

與中唐對舉廟中路謂之中唐不必實有所指傳訓為

邑陳無邑名防者惟郡國志陳國陳縣註引博物記云  
邛地在縣北防亭在焉則或為亭上之巢未可知也若  
築隄捍水皆列柵如堵非槎枒可棲無結巢其上之理  
且鵲性惡濕必巢枝杪今郊外喬木巔多有之不聞有  
水小巢卑之事說文云鳥在木上為巢在穴為窠若以  
隄防穴居則是窠而非巢義更難通矣

雀

雀

名南行  
露篇

陸農師云雀固物之淫者也凡鳥皆雄乘雌

鳴此鳥雌乘雄鳴又四時有子故詩以譬強暴愚謂詩但以穿屋為雀憎耳何必言及其淫說詩者多因詩起義而并以誣物大率如此

呂氏春秋云季秋候鴈來賓雀入大水為蛤許叔重謂賓雀者老雀也棲宿人家堂宇之間如賓客然古今注亦謂一名嘉賓按禮記通論云賓濱通王莽傳率土之賓可證以其時更寒鴻鴈悉來南而宅於水濱也則雀又恐無賓名附識於此

燕燕

燕燕

邶風燕  
燕篇

駙鳥本名燕燕不名燕以其雙飛往來遂

以雙聲名之若周周蛩蛩猩猩狒狒之類最古之書凡  
三見而語適合此詩及釋鳥文燕燕駙與漢書童謡燕  
燕尾涎涎是也餘書省其文多單言之其後詞章家習  
用乳燕海燕之類不知單言燕者乃鳥名釋鳥云燕白  
脰烏小爾雅謂之燕烏鑿然可據則舊以燕燕為兩燕  
及曲為重言之說者皆非也

說文訓舊為周燕通雅駁之謂失爾雅句讀引呂氏春秋云肉之美者有舊燕之翠因以舊周為燕之一名或又引周周銜羽之說謂舊者周也燕燕者駝也三說互異愚按郭璞註子舊鳥出蜀中禽經亦云鸛舊周子規也則舊之為周與為周燕恐皆臆揣不敢傳會惟是燕燕之名於斯益信耳

差池鄭氏兼言尾翼於一燕義猶未悖陸農師引禽經向宿背飛為說謂兩相差為差池通作遲徐行也則竟



作兩燕矣愚謂此當專以尾言燕尾雙歧如剪故云差池耳左傳臭味差池臭與味不可分二物明甚

頡說文云直項也頡同亢釋鳥云鳥隴也又與吭通何元子謂鳥高飛直上故見其項頸上向是也然則此亦當以孤燕言如戴嬌涕泣而長往耳傳據三章下上以釋此章未確後人刻描雙燕之狀便謂一下一上為頡頏尤傳會

下上作低昂訓以音之輕重疾徐言猶高下其手之謂

不然雄雉一鳥不應亦言下上其音矣傳疏皆實看上  
下二字必從飛論音泥甚鄭氏獨以為興戴嬌將歸言  
語感激聲有大小此正低昂之旨也

玄鳥

商頌玄鳥篇

玄鳥生商乃詩人雋語欲求甚解已非何

況傳會其事諸書紛紛語怪遞相祖述雖識者不免惟  
傳獨以已意斷之又蔡邕月令章句云玄鳥感陽而至  
其來主為孳乳蕃滋故重至日因以用事與傳意合  
通論云今人居數千載下豈能逆測古事但依文說經

不必先立主見如生民詩文義實似謂履迹而生者不必為之闢異也此詩實無吞卵而生之文不必為之好異也此最為確論

玄鳥降即玄鳥至也月令戴勝降于桑謂之天命可乎舊註云言降者重之若自天來亦飾說

雉

雉

邶風雄雉篇

說文謂雉有十四種皆本釋鳥文惟以鷩雉

重出不列別分雉鷩雉為二以足十四之數又易顓

為盧鵠為喬鵠為翟翰為翰鵠為卓鵠為搖鵠為留鵠  
為希鵠為蹲鵠失其本愚疑顧者雉之總名即下鵠雉  
鵠雉之類故謂之諸雉其東西南北之名特方言不同  
非於上諸雉之外別有所指也

傳箋援序刺淫之說直拈雄字穿鑿鄭說則更穢矣陸  
農師云雉死耿介妬壘護疆一界之內要以一雄為長  
餘者雖衆莫敢鳴雌潘岳所謂畫墳衍以分畿者也愚  
按此即詩稱雄雉之意雄雉為衆雉之長猶君子為一

家之長覩物懷人因以為詠無他義爾

泄泄下明有羽字蓋以飛之羽言不專以其飛言猶二章下上乃音之下上非飛之下上也舊解多以泄泄屬飛故無確諦按字書泄泄弛緩貌又散也蓋雉之雄者有冠長尾身多文采刷羽而飛則文采舒散可觀所謂泄泄其羽耳

嚴華谷云詩人之言不必盡同燕燕言下上其音謂雙燕相追逐而飛鳴也此言雄雉下上其音則止是一雉

之音或下或上也愚謂此正是證低昂之義彼以詩鑿言雄雉不能仍訓一下一上又慮燕燕無以為解乃曲為詩言不必盡同之說此所謂欲蓋彌彰直為前篇立一左券耳

邶風匏有苦葉篇傳以鷺為雌雉聲說文云字從鳥唯趙宦光

謂唯者鷹聲也雄倡雌和故從唯存其說

舊解皆以飛雌求走牡為喻惟嚴華谷主飛走通之說謂凡鳥鳴皆雄求雌雌不甚鳴今乃雌求其雄為不知

羞惡也愚謂嚴說固是而仍未得其解按此詩為刺淫之作首二章俱屬比以淺深之宜喻理濡軌求牡之况言情蓋男女大欲所存如濟盈未有不濡軌者雉鳴未有不求牡者但非理不可以相干故鳴鴈歸妻又由情而制為禮如此也似此文義明順舊解多為牡字拘牽所謂以文害辭耳

翟郎風簡  
兮篇

傳以翟為翟羽按釋鳥有鵲山雉之文郭璞

以為長尾者此云秉翟蓋持其尾羽而舞也周禮羽舞

惟用翟羽取尾長而色備禹貢羽畎夏翟是矣公羊說萬舞以鴻羽韓詩說以夷狄大羽皆不經

南齊鄭義奏更以翟為笛謂笛飾以髦簠飾以羽梁武帝云翟是五雉之一取其毳羽以秉之耳寧謂羌笛耶宋元豐三年詳定朝會儀注以為今文舞所秉翟羽以雉尾掉髹漆之柄求之古制蓋無所本景祐廣樂記載聶崇義圖羽舞所執類羽葆幢析羽四重以結綬系之於柄請依崇義圖以翟羽為之其說與古義合則知以



翟為笛者謬矣

衛風碩人篇

周禮王后五路翟車在重厭二者之外重厭但

以翟羽飾車兩旁非車後戶也按釋器云輿革前謂之  
鞞後謂之茀竹前謂之禦後謂之蔽則茀是後戶之飾  
今正義槩言蔽車前後誤矣且茀蔽二者又有革竹之  
分不當混詩所謂翟茀者當是革車其後戶亦以革飾  
而畫翟羽之文於革上耳

王風兔爰篇

正義云兔言緩則雉為急此曲解傳緩急說耳

愚謂文鳥離羅不過無辜受禍之况何得泥爰爰之緩  
遂以雉為急乎

附  
翬

小雅斯  
千篇

說文云翬大飛也此翬飛猶釋鳥其飛也

翬之意非翬雉也詩取象在飛不在采色且雉飛不過  
尋丈不可以擬騫舉之勢鄭氏訛據素質五采文以為  
奇異之鳥陋矣陸農師又謂翬雉從翬而不悟此詩之  
翬非雉意以矢棘鳥革皆指物言之則首句如跂斯翼  
跂又當指為何物耶

小雅小鄭氏但訓雉為雉鳴正義誤引說文謂雉為雄  
弁篇

雉鳴取配衛風之鷩截分雌雄恐未然按雉者勾頸而  
鳴之謂羅瑞良謂鷩鷩以足相勾雉以頸相勾故皆從  
勾商書雉勾鬲耳不特鳴而已是也勾非一雉則雉亦  
非一聲是說文雄雌鳴之義孔氏譌雌作雉誣矣詩中  
求雌之喻亦為幽王黜申后云然非真以雌為雄求雌  
聲也且鷩雌二者古亦並用之潘岳射雉賦云麥漸漸  
以擢芒雉鷩鷩而朝雉

夏小正雉震鳴註云震晨之譌也蓋取雉求雌而雉以朝之義按說文雷始動雉鳴而勾其頸則震乃雷震耳必牽合朝雉易字求解誤矣又月令章句云雷在地中雉性精剛知之應而鳴是也

鷓鴣

小雅間  
關篇

郭璞以鷓鴣雉為鷓鴣雞鄭漁仲以鷓鴣雉為鷓鴣雉

愚按上有秩秩海雉鷓鴣山雉之文明以此名釋彼名璞分鷓鴣為二而漁仲合之當非無據但山海經謂女几之山多白鷓鴣則又與青質五采之鷓鴣異矣要以尾長走

鳴為驗可耳陸璣云鵲微小於翟走而且鳴曰鵲鵲其尾長是也

說文謂鵲長尾雉走鳴乘輿尾為防鉞著馬頭上按張衡東京賦方鉞左纛李善註云五寸鐵中央低兩頭高如山形翟尾結著轅兩邊防馬相突也則尾又是翟非鵲抑如陸璣所云微小於翟者故亦謂之翟與

正義云此鵲是雉中之別名以雉有耿介之性與碩女有貞專之德詩義止此陸農師取翬衣揄翟驚冕為說

謂鷓鴣又下鷺一等故詩用以況衆妾亦鑒甚矣

雁

雁

邨風斃有苦葉篇

雁有翁雞鴻鵠鴈三名李巡謂埜曰雁家

曰鷺而方言謂自關而西謂之鳴鷺南楚之外謂之鷺或謂之鷓鴣羅瑞良以為鷺兼有雁名雁又假鷺以為名愚按二物形相似蓋相易為別名者釋鳥舒雁鷺是鷺有雁名也若方言廣雅諸書以鷺呼雁是雁又有鷺名矣但舊說埜鷺大於雁似人家蒼鷺謂之駕鷺亦曰

鳴鵞則駕鵞似又非雁族然今人直謂雁鵞耳

法言云能來能往者朱鳥之謂張揖以為玄鳥朱鳥皆燕也陸農師則謂燕一名玄鳥雁一名朱鳥今按二鳥並有往來之義然玄乃燕色朱於二鳥皆無取或云雁以陽鳥名故曰朱朱者陽色也

禹貢陽鳥自以隨陽之義而名但昏禮所取不當在此鄭氏以為似婦人從夫鑿矣本艸唐註云雁得中和之氣熱則即北寒則即南以就和氣所以為禮幣者一取

其信一取其和其說似當

親迎非昕時不當言旭旦則此詩之雁自為親迎以前  
時用但昏禮云下達納采用雁執雁請問名納吉用雁  
請期用雁此章為淫者陳其正禮固當通指鄭氏專以  
為請期之用不免執一耳

鄭風女曰  
雞鳴篇

古無以雁為饌惟內則有雁宜麥及雁腎之

文舊皆謂人君燕食之物要非常用者且古以雁為贄  
及六禮之備皆生致之此言弋言宜以供飲燕當是田



舍夫婦景況不宜如正義拘大夫食禮為說也

小雅鴻雁篇

傳解肅肅為羽聲嚴華谷引小星傳以為疾貌

則此亦為羽聲之疾何元子云肅者矜持振肅之義鳥之振羽其形肅然故曰肅肅愚謂雁飛行列不亂有整肅之儀故謂之肅肅唐風肅肅鵠行鵠亦有行列如雁也

首章以雁之行列整齊興民之勛勞離散次章以雁之棲止得所興民之還定安居二義各有所取故或以春

北秋南專喻民不安居又或專以為避危就安喻者皆執一之論也

易以鴻漸于木為失所書以陽鳥攸居為得所要之得所亦非易事此詩于垣作堵全從勞處得安陸農師云雁夜泊洲渚令雁奴圍而警察有遠害之道此正其集中澤之勛勞也

鴻

邙風新  
臺篇

陸璣云鴻鵠羽毛光澤純白似鶴而大長頸

肉美如雁又有小鴻大小如鳬色亦白愚謂此亦雁之

一種詩註別大為鴻小為雁淮南鴻烈別仲秋來者為鴻雁季秋來者為候雁說文謂鴻雁從北漢中來過周雒南去至彭蠡候雁從北漢中來南之彭蠡八月來者其父母九月來者其子合諸說觀要是一族又杜詩云故國霜前白雁來白雁者鴻也

舊以魚比伋鴻比宣公為所得非所求之喻愚謂上二章皆有燕婉蘧除語則設網離鴻取譬當不在此蓋宣公作新臺而邀齊女猶漁人設魚網而羅鴻鵠反常背

理之喻也

幽風九  
罋篇

鴻乃水鳥洲渚固其棲所傳謂鴻不宜棲渚喻

公宜在朝廷而乃留滯東土者非也易鴻漸于陸有夫  
征不復之象二章疑亦取不復之義非謂不得其安也  
何元子謂遵渚者自北而南之時况公之避京師而居  
東遵陸者自南歸北之時况公之自東而歸不復來東  
亦鑿玩一歸字可知專取北鄉耳

烏

鳥邶風北風篇鳥似烏鴉而小多羣飛作啞啞聲淮南子云

烏之啞啞是也有哺子之慈故廣雅謂之慈烏又有反哺之孝故說文謂之孝烏與凡鳥迴別詩凡單言鳥者皆屬此

小爾雅云去陰就陽者謂之陽烏鳩雁是也純黑而反哺者謂之烏小而腹下白不反哺者謂之鴉烏白項而羣飛者謂之燕烏白脰烏也按此足盡烏類然惟純黑而反哺者專有烏名林罕謂烏字全象鳥形但不注其

目睛萬類目睛皆黑烏體全黑遠而不分別其睛是也  
今玩北風語意當指純黑者言若白腹白脰縑素斑然  
安得云莫黑匪烏耶

慈烏反哺白脰不祥二者災祥異類必以此詩所言烏  
為不祥之物作危亂徵不能不為慈且孝者負屈也古  
語云愛人者兼愛其屋上之烏惟慈且孝故足愛耳若  
槩以為不祥之物思援弓繳之不暇而暇愛之乎

小雅正  
月篇

無祿猶云不幸與左傳無祿獻公即世義同疏

謂得祿者福慶之事故謂福佑為祿雖民無福亦謂無祿是矣傳因卒章傳會作富人之屋正義乃謂鳥求食陸農師因以為趨利總為祿字寫照夫鳥非惡鳥何經說詩者之口動極醜詆如是不知詩但謂刑法之嚴如此我民從何而得生猶彼網羅之密如此飛鳥何處而安止耳豈有他義耶

誰知雌雄亦必以純黑者言惟其全體皆黑雖目睛不辨何況首尾毛色之間釋鳥云鳥之雌雄不可別者以

翼右掩左雄左掩右雌殆亦為此類設者

此詩前後二鳥絕不相蒙前鳥比無祿之民後鳥喻予  
聖之君陸農師謂詩人每引鳥以刺者為其初皆利合  
不以道匪特誣烏其誣詩甚矣夫詩人衝口吟咏不拘  
一轍如天保前頌岡陵後復以南山為祝各有取義不  
相關涉說詩者何自固乃爾耶

鶯斯

小雅  
弁篇

鶯斯即鴉烏有鷦鷯鷽烏壁屋賈烏諸名

此烏自名鶯斯不名鶯以釋鳥已有明文也正義謂斯



為語詞取蕭斯柳斯為證似矣然他書未有稱蕭柳為蕭斯柳斯者惟鸛斯數見別本自釋鳥文外若禽經法言類苑小爾雅注皆有斯字則此斯當非語助之比故或加鳥作鵙六書統收正韻傳多遵爾雅立說舊本疑皆有斯字非衍孔氏專以定本為據余未敢信

鸛斯專有鴉名以其亦是鳥類故謂之鴉鳥非名為鳥者即是鴉也如北風舊解直指烏為烏鴉誤矣烏鴉性貪鷙善避矰繳見異則噪古有鴉經以占吉凶即此然

昔人專以白脰者為不祥則鸛斯恐猶不受不祥之名耳

樂府朱鷺魚以烏統言烏也昌黎元和聖德詩魚魚雅雅舉烏之一也以叶上妥下墮韻故易字成文耳弇州卮言乃謂烏轉為鴉鴉轉為雅恐未然

傳訓弁為樂集傳以為飛拊翼貌或云通作般謂般旋也俱未確按禮玉藻弁行剡剡起屨孔氏以弁為急是也詩意當與此同蓋歸飛爭宿有急疾意杜詩昏鴉噪

晚林情景可見

提提不徒取羣義蓋衆鴉歸棲先後翔集若同體而追隨者有提挈提攜之狀便覺隱隱關情或訓提為舉謂羣飛高舉之貌高舉則不似歸飛光景矣

即鸞斯之羣飛見追隨聚首為可幸嚴華谷謂烏鴉不能反哺猶已之不能致養是為不孝自罪之詞詩意似未及此

詩識名解卷一

欽定四庫全書

詩識名解卷二

錢塘 姚炳 撰

鳥部

鶉

鶉 鄒風鶉之  
奔奔篇

釋鳥云鶉鶉其雄鶉牡痺李巡以為鶉一

名鶉非也鶉無鶉名釋鳥並言之自是二物鶉痺取義  
未詳張萱以為不亂其匹與其牝偕者曰鶉其匹不亂

故其牝曰痺若牝雞司晨非以不安於痺之義乎此皆因刺宣姜立論未足據也

鶉鷃相似而非一族張揖云佳鶉也鶉鷃也月令仲春田鼠化為鴽淮南子蝦蟆為鶉又釋鳥鶉子鴽鴽子鶉各有類屬可見

奔奔禮表記作賁賁註云爭鬪惡貌是也然鬪鶉自古有之蓋其性然亦不必謂惡亂其匹以求合詩旨且賁同奔國語天子有虎賁諸侯有旅賁註云執戈盾夾車

而趨是趨即奔義也夏小正十二月玄駒賁註云賁者走於地中是走又即奔義也必易賁求他解鑿矣左氏鶉之賁賁亦用成語為文取奔義耳豈天文鶉火固有奔象耶

魏風伐檀篇

此因韻成文錯拈物類並無舉小之意舊謂在

位貪鄙小禽尚公之如此或又謂特比猓為易得而鶉比特為尤小皆非且上言三百廛困何於禾並取其大而於物並取其細此說之不可通者也莊子云吾未嘗

好田而鶉生於突若勿怪何耶語意正與此詩相似

小雅四  
月篇

傳以此鶉為雕正義取說文之鶉證之或云赤

鳳亦名鶉六書故因傳訓鶉謂當作鶉則是泥傳而欲  
改詩也舊註又音團引詩釋為鶉沿詩傳兩誤愚按此  
辨頗確禽經赤鳳謂之鶉鶉冠子亦云鳳鶉火之禽陽  
之精也鳳凰翱翔千仞翺羽高騫足證戾天之說但與  
鶉並言于義未協舊說鶉屬似是然改字作解余素未  
敢信也茲於鶉部兩存之苟有相詰者亦但應之曰匪



鷄可耳

雞

雞

王風君子  
于役篇

釋鳥云雞大者蜀陸農師謂雞有蜀魯荆

越諸種越雞小蜀雞大魯雞又其大者羅瑞良辨以為  
荆越相近若蜀者非巴蜀蓋魯成公會於蜀者亦魯地  
云爾愚按釋鳥有鶉天雞之文逸周書以為文鶉若彩  
雞成王時蜀人所獻又說文云魯郊以丹雞祝疑即蜀  
雞之類也蓋魯之蜀地人所獻而郊用之耳若蜀道至

秦始皇通成王時安得有來獻者耶邢昺解蜀為雞之名恐未然

羅瑞良引風俗通云呼雞曰朱朱相傳雞本朱氏翁化為之而漢有祝雞翁呼雞名則種別而至疑朱為祝之轉又引古今註雞名燭夜因通爾雅之蜀謂燭音本於此愚按朱祝轉音不可考燭夜之燭猶燭奸之燭蓋以其知時而名莊子見卵而求時夜註謂度時而呼更意與此同非祝音之近也若蜀則雞所產之地尤不可混

燭明矣

雞為知時之畜故晦明風雨皆能應候而鳴人以夜漏  
難憑獨重其晨啼為興居之節耳故棲埽棲桀亦以其  
止息驗日夕又匪特其鳴為知時也

鄭風風  
雨篇

喈喈聲衆且和與黃鳥同然此當主衆為說羣

雞感時而鳴雖風雨慘淒皆不改其度有齊一之義和  
於雞聲無取

陸農師解膠膠義為固於雞聲更不可通嚴華谷謂膠

膠擾擾是雜之意則羣雞聲是也然按說文膠訓昵昵與黏通有相接之義此云膠膠蓋雞鳴相應此倡彼和如接續而為聲者此所謂常度耳非擾雜之說也何元子又謂雞聲與風雨聲相為糾雜而不可分別尤未是古晨興以雞鳴為節禮內則雞初鳴而衣服齊風雞鳴朝盈孟子雞鳴而起列女傳雞鳴樂師擊鼓以告旦后夫人鳴佩而去凡自帝后至於士庶朝會以及闈闈莫不皆然此時羣動俱作尚欲為桑中之期必不然耳則

雞鳴之非淫奔時可知且舊以東門之楊為淫者負約不至矣其詩云昏以為期明星煌煌夫奔者顧待雞鳴時耶

齊風雞鳴篇

雞鳴蠅聲古今聚訟余世父論之稔矣通論云

嚴氏謂蠅以天將明乃飛而有聲雞未鳴之前無聲也非是蠅聲夜中間有然亦不必泥蒼蠅之聲猶云蟲鳴聲耳秋夜有蟲鳴此必夏夜故云蒼蠅或謂賢妃誤聽或謂君誤指皆無不可乃謂蠅以天將明乃飛而有聲

是誤以蚊聲為蠅聲矣蚊則天將明乃飛而有聲即下  
所謂蟲飛薨薨是也自嚴氏為此說後人均疑蠅聲在  
雞鳴後與下月光不一例是以紛紛鑿解朱鬱儀謂月  
字乃日字之誤季明德以一章為疑其已遲二章為幸  
其尚早何元子謂賢妃警君母謂雞鳴為早過此以往  
不但聞雞聲將有蒼蠅之聲矣因歎詩人本誤以蠅聲  
為雞聲解詩者又誤以蠅聲為蚊聲真堪捧腹

鳧

鳧鄭風女曰鳧即釋鳥沈鳧一名鵠一名水鵠方言謂

雞鳴篇

南楚之外謂之鵠鵠大者謂之鵠鵠陸璣云大小如鴨青色卑脚短喙是也此是埜族其性畏人晝見人則沒水中故飛而啄食常以晨夜陸龜蒙言冬視獲於甫田夜間往往聞有聲類暴雨而疾至者一夕數四以此驗之則知星爛翱翔非虛語耳其名因以晨稱故古賦云晨鳧旦至說苑魏文侯嗜晨鳧廣志晨鳧肥而耐寒皆可證

鳬與鶩自有家塾之分釋鳥云鵲沈鳬又云舒鳬鶩玩  
詞旨分上下為釋其賓主可見故尸子云塾鴨為鳬家  
鴨為鶩是也余首源世父庸言錄中論之尤晰謹列於  
篇以資博覽者

庸言錄云鴨之名最多孟子一匹雛曲禮庶人之摯匹  
廣雅作鴝是名匹左傳竊更之以鶩又名鶩爾雅舒鳬  
鶩又名鳬俗又名鴨一物四名或因以鴨為家鴨鳬為  
塾鴨又以鶩為家鴨鳬為塾鴨紛紛不一予以為匹乃



古字鴨乃近字家鴨為鶩埜鴨為鳧耳禮庶人執鶩楚  
詞將與雞鶩爭食乎將汎汎若水中之鳧乎左傳竊更  
之以鶩又詩弋鳧與雁則是鶩為家鴨鳧為埜鴨甚明  
若夫庾翼謂逸少有家雞埜鶩之說王勃滕王閣賦落  
霞與孤鶩齊飛此取音調用字不足為據

周禮夏官司弓矢繒矢第矢用諸弋註云結繳於矢謂  
之繒繒高也第矢象馬第之言制也二者皆可以弋飛  
鳥制羅之也陸龜蒙謂江之南不能弋常藥而得之羅

瑞良又謂江南大陂湖中其誘鳧者皆以網植兩表於水相去甚遠中網焉以舟自前驅而逐之率一獲千百輩則較弋為便矣

弋本射飛鳥之制但人情多貪并其宿者取之宿對飛言蓋棲止者非夜宿也陸農師泥序刺不說德之說強解弋為不射宿鳥所以為好德大是穿鑿且往弋之時鳧雁羣集田間安知其盡為飛者無宿者耶蓋由誤訓翱翔為鳧雁之飛遂遂至曲說如此耳

鵠

鵠

唐風鵠羽篇

郭璞謂鵠似雁無後趾毛有豹文一名獨豹

此以文似豹而名羅瑞良謂鵠豹為聲之譌誤矣鵠不與雁族而實相類性近水如雁託宿洲渚間然亦非必竟為水鳥也

鵠既連蹄當不棲木故以集桷集棘集桑喻征役之危苦文義本順陸農師以為鵠之勞苦如此尚得以其類集則多一折矣羅瑞良專謂水鳥不木棲亦泥夫所以

不木棲者以其連蹄耳若近水之鳥何嘗不翔止山林也且鵠亦鷺鳥詎水鳥耶

六書本義單作𠂔象立於樹槎上按鵠性本不樹止反以立於樹槎象形豈制字意耶今人以七十鳥為鵠尤鄙

傳訓行為翮正義為鳥翮之毛有行列故稱行陸農師云鵠性羣居如雁自然而有行列詩稱鵠行以此愚按陸說得之今詞章家稱蜂行蝶隊亦以其羣飛成行言

也

肅肅鵠羽聲其義或取勞苦或取急疾或取振肅不一其說愚謂此當與鴻雁肅肅其羽同義蓋羣鵠飛翔其行列亦自整肅不亂故曰肅肅耳

### 鷺

鷺

陳風宛丘篇

陸璣云鷺水鳥也汶陽謂之白鳥齊魯之間

謂之春鋤遼東樂浪吳揚人皆謂之白鷺大小如鷓鴣青脚高尺七八寸尾如鷹尾喙長三寸頭上有毛十數枚

長尺餘毵毵然與衆毛異此可盡其狀矣其名亦不一  
杜牧賦稱風標公子李昉稱雪客蘇子瞻詩稱雪衣兒  
海錄一名帶絲禽格物論一名屬玉然屬玉紫紺色不  
白又可以厭火故漢武帝取以名觀非鷺別名也舊說  
楚威王時有朱鷺合沓飛翔而來舞故鼓吹有朱鷺曲  
要是僅見非白鳥族耳

禽經露翥則露舊註以為鶴然鶴無露名物類相感志  
云鷺人養之於池塘馴若家禽每至白露日即飛騰而

去則仍謂鷺也故陸農師云亦或謂之白露

傳謂鷺鳥之羽可以為翳鄭氏云翳舞者所持以指麾也愚按古無以鷺羽舞者周禮國子羽舞舞人所執皆翟羽籥師教吹籥以節之邶風左手執籥右手秉翟是矣舊鼓吹朱鷺曲亦援楚威王故事取其合沓飛翔之勢所謂魚以鳥耳非舞鷺羽也況詩中但有擊鼓無舞羽文羅瑞良引隋樂志云建鼓商世所作又棲翔鷺於其上考梓人之職羸者羽者鱗者以為筍簴陳風鷺羽

鷺翮皆筍簾之所懸說詩者乃以為舞翳而訓值為持  
不知值者乃植立之義耳此亦創論但筍簾惟懸鐘磬  
與鼓不合況三章易鼓為缶亦云值其鷺翮則又未敢  
執羅說以強斷也

周禮羽舞皆國子舞之樂師則教以采齊肆夏之儀不  
自舞也至若籥師但教國子吹籥為舞節更與舞事無  
涉何元子因鷺羽之舞無據遂謂此與周禮之羽舞不  
同蓋翟羽舞人所執鷺羽舞師所執其說較誕然則宋



樂志文舞之不用翟羽而用鷩羽非誤於此詩乃誤於後之說詩者耳

翳華蓋也蔽也障也凡艸木延蔓所蔽曰翳又鳥名又翳者所以隱射也射雉賦以講肄之餘暇習媒翳之事蓋其用不一傳所云不知何指而鄭氏鑿言舞者所持過矣

釋言訓翽為蠹則蠹亦非舞器周禮干戈羽籥其用具備蠹雖武舞不用之何況文舞鄭司農鄉師註云翽羽

徐幢也蔡邕獨斷云以旄牛尾為之大如斗在左騂馬  
頭上所謂黃屋左纛愚疑幽公游蕩宛丘常在其下擊  
鼓缶人見乘輿之纛日值其上去故因以為刺併不  
必強作鼓上棲鷺解也

白鳥

大雅靈臺篇

上實言麀鹿此白鳥當有所指或謂鳥羽

色白者偶舉所見而言非也鷺好而潔白汶陽謂之白  
鳥則鷺本有白鳥名故陸農師解此詩直云鷺白鳥也

周頌振鷺篇

傳以振振為羣飛貌然此詩只言振而已未嘗

言振振也玩詞義則翔舉之鷺為振鷺錢氏所謂自振其羽近是後人加鳥作鷺為鷺別名誤左思蜀都賦鴻儔鶴侶鷺鷺鵜鵠本借詩振鷺文選譌作鷺非鷺一名鷺也此或當如羅說為鼓上所棲者詩言振鷺即樂志所謂翔鷺是矣

羅瑞良云說者以西鼙為澤索西鼙當是置禮樂器之所蓋大雅於論鐘鼓必於辟鼙之地以在西故曰西鼙而春秋傳則云西辟樂備是辟鼙西鼙西辟皆樂器之

所在也大射儀建鼓在阼階西南書亦云大貝鼗鼓在西房則西雖振鷺之飛為鼓上之鷺明矣鼓常在西振鷺在鼓之上有飛之象耳存以俟考

何元子云此與有瞽有客之詩為微子作也微子封宋修其禮物作賓王家故有客詩云亦白其馬商尚白也鷺乃白鳥而客容似之意其衣服車旂之類皆尚白與愚按此論頗似不則容字便難立言今解作我客之容貌修潔取潔合白終屬勉強故謂為二王後者恐非也

魯頌有  
駢篇  
此鷺確為鼓上之鷺以下皆有鼓咽咽文可據

蓋振之為言奮也裂也動也言擊此棲鷺之鼓其鷺振然如飛動而欲下者是以鼓聲咽咽而醉且舞為可樂耳上振字解作擊字下振字解作翔字文義不連二鷺則皆指鼓上所棲也

舊以鷺羽為舞者所持因下有醉舞之說似也然二章不云鼓咽咽醉言歸耶鼓則猶是而舞者變舞者變而鷺終不變吾故曰鷺為鼓上之鷺也

舊解謂舞鷺羽外又有訓鷺下象舞者尤謬若使鷺鳥之下而象舞則二章鷺鳥之飛亦云象歸耶舞說之不可通於此可見

此詩之舞對歸言不過醉飽之餘起舞以曲暢其情耳說者乃欲詔樂師進國子而行羽舞考之典禮則不合揆之情事亦非宜雖使詩人復起當不易吾言矣

鴉

鴉陳風墓門篇

鴉一名鷺鳥見廣雅或引天問繁鳥萃棘謂

繁即驚之誤未可據也陸璣謂大如斑鳩綠色即賈誼  
所賦鵬鳥正義謂一名鵬梟一名鵠以瞻邛為梟為鵠  
當之俗說即土梟非陸農師謂梟非鵬嚴華谷則合鵠  
與怪鵠鵬鵠鷗四者為一而以為即瞻邛之鵠諸說互  
異愚按廣志謂鵠為楚鳩所生如驢巨虛不孳乳或別  
是一種若鵬乃是鷗非鵠也漢賈誼傳云鵬似鵠賈公  
彥云鵠之與鵬二鳥俱夜為惡鳴者明是兩物且以陸  
璣美臠之說斷之莊子見彈而求鵠炙禮內則鵠鵠胖

未聞鵬可為羹炙也何氏辨之審矣

何元子云如邢陸說則梟鵂鵂乃一物而羅瑞良別鵂與鵂為二以為鵂似鵂小如雉體有文采行不出域有疆服者故名鵂則鵂之非鵂明矣然鵂亦非梟廣雅謂之驚鳥未詳其狀若何其名梟者乃爾雅之梟鵂耳亦謂之土梟故瞻卽篇云為梟為鵂舊說相傳皆謂梟者土梟鵂者怪鵂與鵂無涉不可不辨

列女傳易鵂作鵂不足據然所載陳辨女事與詩頗相



似亦善於傳會者也

魯頌  
泮水篇

食黹懷音二語各自為義絕不相蒙一言其食

一言其聲自鄭氏以為食黹音美而諸家祖之奉為典  
實雖賢者不免良可哂也且衛風戒鳩食黹傳因以為  
過醉能傷其性此篇美鵠食黹箋因以為味美能好其  
音明是緣詩傳會全無所本若使鳩鵠易地二者亦轉  
而為說耳至季明德乃謂食黹變音可見講學之功格  
乎禽鳥則尤腐語矣

世說張天錫為孝武所器頗有嫉已者於坐問張北方何物可貴張云桑黹甘香鴟鵂革響醇酪養性人無嫉心此亦援詩為說要是詞章雋語耳如蘭成謝賚馬啓云柳谷未開翻逢紫燕陵源猶遠忽見桃花此不過借馬名渲染也豎儒便欲向柳谷陵源求生活耶

蔡元度云惟僖公有仁厚之德故雖所惡之鳥能集可欲之地今不庭之來猶之鶚去幽荒而集於泮林也此語夸誕

謂鳩食黠變音已非陸農師復廣為食梅不能變音之說強以陳風墓門傳會則穿鑿之尤也

### 鷓鴣

鷓鴣

陳風防有鷓鴣巢篇

釋鳥無鷓鴣釋草有鷓鴣故傳疏皆易字訓綬

草意以對上茗言耳不知此大迂論觀篇中四有物皆不倫況上言鷓鴣此何必不言鷓鴣也今仍為如字列鳥部中陸農師云綬鳥大如鷓鴣頭頸似雉有時吐物長數寸食必蓄嗉臆前大如斗古今注謂一名功曹今謂之

錦囊此可得其名狀矣

戴侗駁農師云鷓之大僅如鸛鵒而臆乃大如斗亦不  
察矣埜人有餽予錦囊者大如雞頷下有錦囊鳴則囊  
見又李時珍云吐綬雞項有嚟囊內藏肉綬常時不見  
春夏清明則向日擺之項上先出兩翠角二寸許乃徐  
舒項下綬長闊近尺采色煥爛踰時悉斂或剖視之一  
無所睹其說較詳

何元子引韻會小補謂鷓一名辟株以其行必遠艸木

亦名真珠雞體有真珠點文食之甚美是鷓可食故稱  
旨鷓綬艸具五色作綬文字亦從鷓然未聞言鷓可食  
者則不得以旨名矣當作鳥名解為正愚按何氏以鷓  
屬鳥固當但解旨字亦泥旨以美言與下予美相應詩  
蓋以草與鳥之美者興予之所美意境自佳必欲於可  
食不可食論之近鑿此誤於陸璣茗可生食之說也

陸農師謂鷓善相其天而吐綬樂則見其文采有戕賊  
之疑則不吐此緣序為說也然序讒賊作讒言之讒此

謠為戕害之戕音義迥別豈別有取爾耶

憂讒之說蓋緣侮字而生其實宣公信讒之事一無所  
考玩予美二字當如唐風葛生為訓疑亦婦人懷夫之  
詞巢覽帶言其意謂高丘之上草之美者有茗鳥之美  
者有鷗而予之所美雖有如無不可得見故心焉憂思  
不能自安也舊謂綬草雜衆色以成文猶多言交織以  
成惑皆為序中讒字穿鑿耳

說文鴈重文作鷗按鴈水鳥高飛似雁色蒼白雌雄相

視則孕莊子白鵝相視眸子不運而風化是也與綬鳥  
迴別許氏謬謂重文合一又謠鷁為鷁引詩作旨鷁其  
改文舛錯如此不可不辨

### 鷁

鷁曹風候人篇

鷁一名鷁鷁一名洿澤一名鷁鷁又俗呼淘

河按鷁鷁即洿澤從鳥從水義各有取至淘即洿意河  
即澤意亦不必分二說羅瑞良謂洿抒水也又肩斗亦  
抒水器鷁洿肩三字同音其義一是也此鳥本單名鷁

釋鳥文甚明郭璞云今之鷓鴣或以其頷下胡得名抑讀爾雅者失其句讀以鷓屬上句轉音為鷓鴣耶然其名自昔已有之莊子云魚不畏網而畏鷓鴣

或謂鷓鴣又名鷓鴣疑爾雅鷓即鷓別名姻澤即鷓鷃不得分為二非也郭璞謂姻澤鳥似水鷓蒼黑色常在澤中見人則鳴喚不去有象主守之官故名俗呼為護田鳥其形性與鷓迥別釋鳥兩列之郭璞亦兩註之正未可混魏黃初中有鷓集靈芝池文帝識之曰此詩人



所謂滂澤亦不作姻澤也

鵜沈水捕魚雖深淵能沒有似淘河者故因以為名陸璣謂羣飛抒水竭澤食魚恐未然小如尺澤亦源源而來未有鵜鵠能盡之理本艸謂其頤下有皮袋容一二升物展縮由囊中盛水以養魚此或其胡之用也

山海經鵜鵠作鵠鵠謂其狀如鴛鴦而人足其鳴自訓陸農師本此為說吳志伊廣註云俗以夏至前來謂之犁湖水夏至後來謂之犁塗主旱以其嘴之形狀似

犁故云犁湖轉聲為鶉鵒又謠為駝鶴愚謂不然犁如  
犁田之犁作活字看犁湖猶言淘河耳此隨俗而呼者  
非鶉鵒為犁湖之轉也

不濡不稱語意緊對蓋鶉在梁則當濡其翼而乃不濡  
以興之子在位則當稱其服而乃不稱所謂服者上章  
赤芾是也

鸞

鸞  
秦風駘  
鐵篇

三輔決疑注載光武時有大鳥高五尺雞頭

燕頷蛇頸魚尾五色備舉而多青詔問百僚咸以為鳳  
太史令蔡衡對云凡象鳳者有五多赤色者鳳多青色  
者鸞多黃色者鵷雛多紫色者鸞鸞多白色者鵠今此  
鳥多青乃鸞也禽經則云青鳳謂之鵷黃鳳謂之鸞而  
說文以鸞為赤色五彩又禽蟲述云鸞赤為丹鳳青為  
羽翔白為化翼玄為陰翥黃為土符諸書所載羽色互  
異大抵以青鳥之說為正陸農師亦主之要是似鳳而  
不與鳳族者也狀如翟見山海經及孫氏瑞應圖

有虞氏之路謂之鸞車月令春則乘之蔡邕謂以金為鸞鳥懸鈴其中施於衡為遲速之節此乃天子乘車之制也若兵車用皮纏束取堅且捷利於馳驟安得為金鳥之飾故懸鈴於鑣以為聲觀小戎之車制可見箋謂置鸞於鑣異於乘車是矣

羅瑞良引古今注以為五輅衡上金雀者朱鳥也又禮云衡前朱雀或謂朱雀即鸞鳥並誤朱鳥乃南方之宿取象鶉火與鸞無涉且禮朱鳥玄武青龍白虎皆建旗

旒旂旗於車上而畫其形耳豈所飾於衡上之金雀耶  
鸞本車上所飾之鳥其口銜鈴故統謂之鸞今無鳥有  
鈴者亦以鸞名或別作鑾無二義羅瑞良必謂以車前  
有鸞鳥故謂之鸞鸞口有鈴故謂之鑾鳥之鸞主形鈴  
之鑾主聲亦過分其說矣

小雅蓼蕭篇

傳訓在軾曰和在鑣曰鸞正義以為無文此殆

誤據駟鐵例言之也魯詩和以設軾鸞以設衡韓詩在  
軾曰和在軾曰鸞千寶周禮注和鸞皆以金為鈴鸞者

在衡和者在軾總無有云在鑣者則鄭氏謂乘車之制異於兵車於此詩益信

陸農師謂雌名和雄名鸞當上古時鸞輿順動此鳥輒集車上雄鳴於前雌應於後後世不能致作和鸞以象之此誕語蓋本抱樸子及呂氏春秋諸書不足信也夫鸞鳴和應若倡和然有倡無和則不和故謂軾上之鈴為和亦飾鸞鳥衡之耳豈上古真有雌雄二鳥鳴應於車上耶

小雅采芑篇

此詩在衡在鑣傳箋皆無明文以詩義與鄭氏

兵車制考之則應是在鑣者或謂上言錯衡此疑即衡上之飾如漢輿服志安車立車亦一衡立八鸞存其說

小雅庭燎篇

傳亦以此為鸞鑣聲何元子引儀禮謂諸侯觀

天子乘墨車載龍旂以朝疑墨車亦有設鸞之制愚謂鸞者鈴之總名惟車制有鸞鳥形餘不過設鈴取其聲耳杜預春秋注云錫鸞和鈴者錫在馬額鸞在鑣和在衡鈴在旂然統言之則鸞和鈴一鸞而已是也此鸞當

為龍旂之鈴故首二章將至但聽其聲三章既至則觀其旂確然可據者

小雅采菽篇

此亦如庭燎詩為旂上鸞聲細玩語氣明是順

遞惟旂淠淠而飛揚故旂上之鸞亦嘒嘒而聲動二語合觀正上所云言觀其旂也自正義以淠淠屬旌旂嘒嘒屬車馬兩義對舉語不貫穿失其解矣

大雅烝民篇

人臣出使四方則乘輜軒取其輕捷便馳驟故

行人乘之仲山甫奉命城齊所乘當是輜車之制鸞不



在衡而在鑣理固有之故他詩多言八鸞而不及四牡  
惟此為可據耳

大雅韓  
奕篇

韓侯畢覲事而出國門遂於蹶父所居行娶妻

親迎之禮斷無乘戎路輕車者或如漢安車立車之制  
施八鸞於衡上故易四牡而言百兩與

魯頌泮  
水篇

此與采芣語同亦當為旂上之鸞聲下章其音

昭昭乃衡軾和鸞之音由其馬蹻蹻驗之也舊解誤鸞  
旂為鸞車而以二章車音為僖公之德音亦過矣

商頌烈  
祖篇

鄭氏解此詩又云鸞在鑣此自相矛盾語耳上

文明言錯衡此斷當為衡上之飾乃諸侯之金路所謂  
金飾錯衡之車也施鸞於衡以為觀美夫何疑耶然則  
周殆沿殷之舊者漢安車立車之制則又沿周之舊要  
不當以鸞鑣例耳

小雅信  
南山篇

刀無鸞形而環有鈴故亦謂之鸞刀則鈴之統

謂鸞明矣說詩者於鸞旂顧況為鸞車耶或云環有和  
鋒有鸞此不足信

正義引禮祭義文謂此鸞刀乃卿大夫親執是也鍾伯敬云禮卿大夫袒而毛牛尚耳則人君祭禮執鸞刀者固謂卿大夫也若儀禮特牲則謂主人立於門戶視側殺少牢則謂主人即位於廟門之外司馬刲羊司士擊豕宗人告備乃退則士大夫猶視殺而不親刲矣王介甫劉執中乃謂王執鸞刀以親殺此何據耶愚按鸞刀之執有二祭義卿大夫袒而毛牛尚耳鸞刀以刲此卿大夫執之也祭統夫人薦沔水君執鸞刀羞齊又禮器

君親制祭夫人薦盎君親割牲夫人薦酒夫曰羞臠曰  
制祭曰割牲三者皆君執之也特俟司馬司士刲擊後  
君大夫親行其禮亦如秉耒躬耕三推五推以身親其事為敬非必自為殺  
耳豈可謂王無親執鸞刀之文耶

倉庚

倉庚

幽風七月篇

釋鳥云倉庚商庚郭璞謂即鷦黃也釋鳥

又云倉庚鷦黃也郭璞謂其鷦黑而黃因以名此郭註  
之誤辨見黃鳥不贅但並列其文以俟覽者而誤自見

然其誤已自毛公始之傳云倉庚離黃也以鰲同離有毫釐千里之別不知釋鳥鰲黃之文紀其色非紀其名倉庚鰲黑而黃豈名鰲黃之楚雀又安得謬為名離黃之黃鳥乎羅瑞良云倉庚黃鳥而黑章而爾雅有皇黃鳥倉庚商庚鰲黃楚雀之名觀其詞旨彼固已心疑之矣

舊謂關西呼倉庚為黃鳥按豳土屬雍州為關中之域與關西接壤而此詩及東山出車何以皆不言黃鳥而

言倉庚則當為兩物明矣

蔡元度謂倉庚所以鳴其時也故凡紀時者皆言倉庚黃鳥所以命其德也故哀三良刺宣王皆言黃鳥此亦陸農師強分興賦之說不知謂黃鳥為命德而葛覃偏取紀時謂倉庚為紀時而東山頗似命德可見本是兩物不容強合耳

山海經說黃鳥狀如梟而白首食之不妬此黃鳥并非黃鸝後人亦即謠為倉庚尤可哂楊夔止妬論云梁武

帝郝氏性妬或言倉庚為膳療忌遂令治之妬果減半  
總是詞章傳會之說今安得如梟白首之黃鳥更安得  
如梟白首之倉庚耶

月令仲春之月倉庚鳴說文鳴則蠶生其時蓋在春分  
之後則感春陽頗遲龜經訓倉為清訓庚為新謂感春  
陽清新之氣而出故名亦強解耳今以釋鳥商庚考之  
商為秋令庚更也謂其春鳴至秋而更變也倉商則一  
音之謠耳

幽風東  
山篇

鄭氏主仲春嫁娶之說故謂歸士始行時新婚

今還序其情以樂之此大非也正義云毛以秋冬為昏  
此義必異於鄭宜以倉庚為興得之然說家謂賦時物  
以起興則猶未離乎仲春之說何元子因以果羸熠燿  
苦瓜皆夏末秋初所有而倉庚之鳴在仲春時不相值  
則當為追述無疑輾轉擬議仍歸鄭說而詩之本旨全  
失矣王肅云倉庚羽翼鮮明以喻嫁者之盛飾此二語  
詩義已足蓋特以倉庚興之子以熠燿興皇駁偶舉相



況絕非因時而賦景物也故孔氏謂嫁之得禮明亦及時可謂善為序擺脫者

陸農師為及時之說所誤又疑於歸時不合因謂倉庚鳴於仲春其羽之鮮明在夏則其鳴喈喈者昏姻之時熠燿其羽者非昏姻之時此以言得及男女之時而已其泥於舊說委曲作解如此

說文云熠盛光也燿照也此詩以言羽色當是借用比擬蓋物之鮮明者莫如火今倉庚之羽灼然燿目無可

名象因舉火光似之猶上章熠燿亦舉以似螢火之光  
非熠燿為螢火之名也故以宵行為蟲名者固非以熠  
燿作螢火名者亦誤觀釋蟲於蚺蟪蛄蛸下不列熠燿  
而別以螢火為即照可見且以詩詞按之上蚺蟪蛄蛸  
蟲名對舉此町疃熠燿空文對舉詞旨昭然無可疑者  
并附考於此

傳釋熠燿為燐又釋燐為螢火正義駁之云燐者鬼火  
之名非螢火而陳思王螢火論又謂詩熠燿章句以為

鬼火或謂之磷未為得也然按室廬荒廢夜色淒涼曠  
埜青磷理或有之杜詩陰房鬼火亦是此况當存其說  
要不可以磷為螢火耳

陸農師云一說螢非熠燿熠燿乃行蟲今舛涇處有蟲  
如蠶蠋尾後載火行而有光俗謂之熠燿此尤非也所  
謂如蠶載火者即未變化之螢火耳豈可別加以熠燿  
之名乎

集傳訓熠燿為明不定而以宵行為蟲名蓋恐礙於四

章倉庚之說楊升菴解之云古人用字有虛有實熠燿之為螢火實也熠燿為倉庚之羽虛也有一明證小雅有鶯其領言桑扈之領如鶯之文非謂鶯即桑扈也彼謂倉庚之羽如熠燿之明非謂熠燿即倉庚也然此亦是慧古強解鶯但作文采貌豈直指黃鶯耶愚謂熠燿其羽猶言差池其羽泄泄其羽耳

小雅出車篇

此篇專為紀時之語黍稷方華夏正四五月也

此為往城朔方之時雨雪載塗

載塗猶云載路謂雨雪滿道也傳謂凍釋為塗

泥

十二月也此為城朔方還歸之時方其還歸在塗而

又奉簡書西伐追艸蟲鳴阜螽躍已踰年九月矣此為  
伐西戎之時至倉庚喈喈則又踰年二月也此為伐西  
戎還歸之時舊解皆謂凍釋為正月鳥鳴為二月出師  
兩地未有如此神速者則倉庚喈喈當以三年仲春為  
斷

鵲

鵲

幽風七月篇

釋鳥云鵲伯勞也郭璞以為似鵲鵲而大左

傳謂之伯趙氏陳思王惡鳥論云伯趙以五月鳴應陰  
氣之動其聲鵙鵙故以其音名餘書論鵙狀不一禽經  
註謂形似鵙鵙鵙喙黃伯勞喙黑顏師古漢書註謂  
為子規方言謂為鵙鵙遯齋閒覽謂為梟國史補謂為  
布穀丹鉛錄謂為架犁通雅謂為苦鳥衆說紛紜皆未  
可據其云子規布穀惡梟者尤誤

釋鳥文鳥飛有鵙有翔有翬皆專狀其飛勢不應言足  
且鵙字從羽當如邢昺竦翅之說陸農師本說文訓斂

足為璦謂鵙飛斂足腹下恐未然

鵙與鵙同夏小正鵙作鵙孟子註以鵙為鵙是也禽經  
鵙鵙鳴而艸衰註本服虔說以鵙當之又楚詞恐鵙鵙  
之先鳴使百艸為之不芳蓋五月一陰始生艸木凋零  
之根已基於此鵙又賊害之鳥感陰肅殺而鳴故為艸  
衰不芳之驗此詩麻熟載績是矣何元子乃謂鵙名鵙  
鵙與鵙無涉殆泥王逸楚詞註以鵙鵙名巧婦者為鵙  
別名故力辨其誣要之單言鵙者即鵙也

臨海異物志謂鷓鴣一名杜鵑至三月鳴晝夜不止按此名秭鴣不名鷓鴣史記歷書秭鴣先澤索隱云子鴣鳥春氣發動先出埜澤而鳴是也未嘗以七月始鳴志說誤

陸農師云或言鷓鴣春分鳴則衆芳生秋分鳴則衆芳歇此是謬語大戴禮五月鷓則鳴逸周書芒種之日螳螂生又五日鷓始鳴呂覽註謂仲夏陰作於下陽發於上伯勞夏至後應陰而殺蛇磔之於棘而鳴於上合諸



說觀可知五月以前鵲未嘗鳴也如或所言仍以鵲為  
杜鵑耳


羅瑞良謂伯勞以仲夏時鳴不當復有芳艸引離騷鵲  
鵲先鳴以為鵲即秭之譌鵲即鵲字歷書所謂秭鵲先  
淖者也或轉而為南蠻馭舌之馭則宜其以為伯勞耳  
此非也按歷書云昔自在古歷建正於孟春於時冰泮  
發蟄百艸奮興則秭鵲之鳴正百艸始生時不當一云  
艸衰一云不芳是離騷之鵲鵲斷當為鵲鵲非秭鵲也

且羅氏認芳艸亦太泥芳對衰言離騷謂之不芳者即禽經所云艸衰耳蓋一陰始生為彫零之基也否則仲夏艸正壯茂何云無芳耶若夫梨菊萎折之說恐亦有未盡然者

天地之氣南燠北寒此一定者豳土在岐山北乃西北之域其寒應早鄭氏獨以為晚寒故五月之鳴鵙至此始應之祇為七月二字強解耳補傳謂鵙仲夏始鳴至七月則鳴之極而將去嚴華谷亦云七月猶鳴蓋三陰

之候而寒將至也兩說得之

蔡元度謂夏至則生者勞物鵠鳴同萬物而勞者也故謂之百勞此亦鑿說伯勞名頗不一左傳作伯趙舊註趙者疾也夏小正作伯鵠通卦驗又作博勞或云趙勞之轉鵠勞之譌博百之近



詩識名解卷二